

唐風·綢繆



- 綢繆束薪，三星在天。今夕何夕，見此良人？子兮子兮，如此良人何？
- 綢繆束芻，三星在隅。今夕何夕，見此邂逅？子兮子兮，如此邂逅何？
- 綢繆束楚，三星在戶。今夕何夕，見此粲者？子兮子兮，如此粲者何？



- 《詩·唐風·綢繆》：「綢繆束薪，三星在天。」毛傳：「綢繆，猶纏綿也。」

- 孔穎達《毛詩注疏》：「毛以為綢繆猶纏綿束薪之貌，言薪在田野之中，必纏綿束之，乃得成為家用。」

-



- 《詩·豳風·鴟鴞》：「迨天之未陰雨，徹彼桑土，綢繆牖戶。」
- 孔穎達疏：「鄭以為鴟鴞及天之未陰雨之時，剝彼桑根以纏綿其牖戶，乃得成此室巢。」



- 唐 元稹《鶯鶯傳》：「綢繆繾綣，暫若尋常，幽會未終，驚魂已斷。」
- 元 王實甫《西廂記》第四本第二折：「你繡幃裡效綢繆，倒鳳顛鸞百事有。」
- 明 沉德符《敝帚軒剩語·汪南溟文》：「汪暮年眷金陵妓徐翩翩 名驚鴻者，綢繆殊甚。」
- 清 蒲松齡《聊齋誌異·白于玉》：「既而衾枕之愛，極盡綢繆。」



- 清 錢謙益 《南京戶部江西清吏司主事李士高授承德郎制》：
「非強兵無以備豫，非廣蓄無以養兵，此根本綢繆之至計。」
- 清 紀昀 《閱微草堂筆記·姑妄聽之一》：「先事而綢繆，后事而補救，雖不能消弭，亦必有所挽回。」
- 清 林則徐 《飭府查辦防護圍基章程札》：「現在水雖消退，而夏令正長，大雨時行，必須早為綢繆之計。」

- 明 萬曆年進士戴君恩《讀詩臆評》：「淡淡語，卻有無限情境。」
- 清 雍正年進士牛運震《詩志》：「淡婉纏綿，真有解說不出光景。」



越人歌

- 今夕何夕兮搴中洲流，今日何日兮得與王子同舟。
- 蒙羞被好兮不訾詬恥，心幾煩而不絕兮得知王子。
- 山有木兮木有枝，心說君兮君不知。



贈衛八處士 杜甫

- 人生不相見，動如參與商。今夕復何夕，共此燈燭光！
- 少壯能幾時？鬢髮各已蒼！訪舊半爲鬼，驚呼熱中腸。
- 焉知二十載，重上君子堂。昔別君未婚，兒女忽成行。
- 怡然敬父執，問我來何方？問答乃未已，驅兒羅酒漿。
- 夜雨剪春韭，新炊間黃粱。主稱會面難，一舉累十觴。
- 十觴亦不醉，感子故意長。明日隔山嶽，世事兩茫茫。



- 子曰：「小子何莫學夫《詩》？《詩》，可以興，可以觀，可以群，可以怨。邇之事父，遠之事君，多識於鳥獸草木之名。」
- 朱熹《詩集傳》：「興者，先言他物，以引起所詠之詞也。」
- 《論語 八佾篇第三》子夏問曰：「巧笑倩兮，美目盼兮，素以為絢兮。」何謂也？子曰：「繪事後素。」
- 子夏曰：「禮後乎？」子曰：「起予者商也，始可與言詩已矣。」



- 《論語·學而》
- 子貢曰：「貧而無諂，富而無驕，何如？」
- 子曰：「可也。未若貧而樂，富而好禮者也。」
- 子貢曰：「《詩》云：『如切如磋，如琢如磨』，其斯之謂與？」
- 子曰：「賜也，始可與言《詩》已矣，告諸往而知來者。」

- 《詩》可以觀
- 一、鄭玄「觀：風俗之盛衰」。
- 「古有采詩之官，王者所以觀風俗，知得失，自考正也。」
- 二、《大雅·抑》：「白圭之玷，尚可磨也；斯言之玷，不可為也。」
- 《論語·先進》：「南容三復白圭，孔子以其兄之子妻之。」



- 「可以怨」
- 《禮記·經解》：
子曰：「入其國，其教可知也，其為人也，溫柔敦厚，詩教也。」
- 《論語·季氏》
嘗獨立，鯉趨而過庭。曰：「學詩乎？」對曰：「未也。」
「不學詩，無以言。」鯉退而學詩。



- 《論語·子路》
- 子曰：「頌詩三百，授之以政，不達；使於四方，不能專對。雖多，亦奚以為？」

